

經籍典第二百十七卷

禮記部彙考七

經義考二 禮記

孔穎達禮記正義

注唐志七十卷

佚穎達自序按穎達序已另載茲不重錄

新唐書志禮記正義七十卷

祭酒孔穎達司業朱子奢國子助教李善信太學博士賈公彥柳士宣范義頴魏王參軍事張權等奉詔撰周元達趙君贊王士雄趙弘智等覆審

衛湜曰自晉宋而下傳禮學者南人有賀

循賀瑒庾蔚崔靈恩沈重范宣皇甫侃等北人有徐道明李業興李寶鼎侯聰熊安生等何止數十家正義實據皇甫侃以爲本而以熊安生補其所不備後世但知爲孔氏之書而已

又曰

劉原父七經小傳載檀弓聖人之葬人與人之葬聖人也以與爲語助辭世多稱之然正義已有是說

王應麟曰祭酒邢昺等奉詔是正咸平二年六月昺上新印禮記疏七十卷賜諸王輔

臣人一本

陳澧曰鄭氏祖識緯孔疏惟鄭之從雖有他說不復收載固爲可憾然其灼然可

據者不可易也

魏徵類禮注唐書作次禮記唐志二十卷

佚舊唐書魏徵以戴聖禮記編次不倫遂爲類禮二十

卷以類相從刪其重複采先儒訓注擇善從之研精覃思數年而畢太宗賢而善之賜物千段

魏鄭公諫錄詔曰禮經殘闕其來已久漢代戴聖爰記舊聞古今所宗條目雜亂先儒傳授多歷年數咸事因循莫能釐正特進鄭國公徵文高翰林學綜用府服膺典禮有志討論乃依聖所記更事注解文義粲然遂得先聖微言因茲重闡後之學者多有弘益宜付祕省唐會要貞觀

十四年五月二十一日詔以特進魏徵所撰賜皇太子及諸王并藏本於祕府朱子曰魏徵

以小戴禮綜彙不倫更作類禮二十篇數年而成太宗美其書錄寘內府今此書不復見惜哉

陸德明禮記釋文四卷

存

王元度注禮記

注

唐志二十卷

佚

王元感禮記繩愆

注

唐志三

十卷

佚

王方慶禮經正義

注

唐志十卷

佚

元行冲類禮義疏

注

唐志五十五卷

佚

舊唐

書元行冲河南人上令行冲撰義疏開元十四年上之

成伯璵禮記外傳

注

唐志四卷

佚

中興書目禮記外傳四卷中山成伯璵撰吳郡張幼倫注四門

博士劉素明序凡一百一十條分義例名數二體又各分上下卷雖舉禮記爲目兼三禮言之

晁公武曰義例二卷五十篇名數二卷六十九篇雖以禮記爲目通以三禮言之劉素明序張幼倫注

按禮記外傳今逸不傳太平御覽每引之有曰吉凶軍賓嘉五禮之目也吉禮者祭祀郊廟社稷之事是也凶禮者喪記之說年穀不登大夫去國之事也軍禮者始黃帝與蚩尤戰於涿鹿之野賓禮者貢獻朝聘之事是也嘉禮者好會之事也起自伏羲以儷皮焉始制嫁娶其後有冠鄉飲酒鄉射食耆老王燕族人之事是也但前代象天其禮質而略後代法地其文煩而文唐虞之際五禮明備周公所制文物極矣觀此則一書之大綱略可見矣

楊逢殷禮記音訓指說

注宋志二十卷

未見

亡名氏禮記字例異同

注

唐志一卷

未見

新唐

書元和十三年詔定

邢昺禮選二十卷

注

宋史雍熙中邢昺撰禮選二十卷獻之太宗探其帙得文王世子篇覽之甚

悅因問衛紹欽曰昺爲諸王講說曾及此乎紹欽曰常時諸王訪昺經義每至發明君臣父子之道必重複陳之太宗益喜上嘗因內閣暴書覽而稱善召昺同觀作禮選贊賜之昺言家無遺藁願得副本上許之繕錄未畢而昺卒亟詔寫二本一本賜其家一本俾置冢中

李清臣禮論二篇

存

張載禮記說三卷

未見

魏了翁序

按序已另載
茲不重錄

章望之禮論一篇

佚

建寧府志章望之字表民浦城人簽書建康軍節度判官以光祿寺丞致仕

李觀謂仁義禮智信樂政刑皆出於禮望之因著禮論一篇以訂其說

劉彝禮記中義四十卷

佚

李格非禮記精義

注

宋志十六卷

未見

衛湜曰李文叔精義就曲禮檀弓王制喪服小記大傳少

儀學記樂記雜記喪大記祭法十一篇中隨所見爲之義

王安石禮記發明一卷

未見

禮記要義二卷

未見

周誥禮記解

未見

譚自序

按序已另
載茲不重

錄

衛湜曰延平周誥字希聖解王制禮運禮器郊特牲玉藻學記樂記祭義祭統經解哀公問仲尼燕居孔子閒居中庸表記大學共十七篇不見於中興館閣書目

陳祥道禮記講義二十四卷

未見

陳陽禮記解義

注

宋志四十卷

佚

方懋禮記解義

注

通

考二十卷

未見

朱子曰方氏禮解儘有說得好處

陳振孫曰政和三年表進自爲之序以王

父氏子禮記獨無解義乃取所撰三經義及字說申而明之著爲此解由是得上舍出身其所解

文義亦明白

衛湜曰方氏馬氏及山陰陸氏三家書坊鈐板傳於世方氏最爲詳悉有補初

學然雜以字說且多牽合大爲一書之累間有與長樂陳氏講義同者方自序亦謂諸家之說與

王氏有合者悉取而用之則其說不皆自己出也

浙江通志方懋字性夫桐廬人父死廬墓

覃思積年注禮記集解政和三年領鄉薦至京師表進於朝詔賜上舍釋褐而頒其書於天下八年中進士仕至禮部侍郎

馬晞孟禮記解

注通考七十卷

陳振孫曰晞孟字彥醇未詳何人亦宗王氏者

朱子曰

方馬二解合當叅考儘有好處不可以其新學而黜之

衛湜曰方氏馬氏及山陰陸氏三家

方氏最詳馬氏頗略馬氏大學解又與藍田呂氏同朱文公或問以爲呂氏今從之

江西通

志馬晞孟廬陵人熙寧癸丑登第

呂大臨芸閣禮記解

注通考十卷中興書目一卷

晁公武曰芸閣禮記解十卷呂大臨與叔撰

與叔師事程正叔禮學甚精博中庸大學尤所致意也

陳振孫曰按館閣書目作一卷止有

表記冠昏鄉射燕聘義喪服四制凡八篇今又有曲禮上下中庸緇衣大學儒行深衣投壺八篇

此晦庵朱氏所傳本刻之臨漳射梁書坊稱芸閣呂氏解卽其書也

衛湜曰藍田呂與叔禮

記解中興館閣書目止一卷今書坊所刊十卷有禮記上下孔子閒居中庸緇衣深衣儒行大學

八篇

禮記傳注宋志十六卷

未見

張萱曰呂氏禮記傳十六卷今闕第三卷宋淳熙中朱晦菴刻之臨

漳學官

何述禮記傳二十卷佚

閩書何述字明道浦城人元豐二年進士歷徽猷閣待制知永興軍移帥

涇原

楊訓禮記解二十卷佚

閩書楊訓字公發浦城人元豐五年進士知東陽縣轉朝奉郎

慕容彥達禮記解佚

陸元輔曰彥達字叔遇毘陵人元豐中登科

陸佃禮記解注宋志四十卷佚

衛湜曰陸氏說多可取間有穿鑿亦字學之誤也

宋中興藝

文志陸佃新義牽於字說宣和末其子宰上之

浙江通志陸佃字農師山陰人官至尙書右

丞

述禮新說注 宋志四卷佚

禮象注 宋志十五卷存

陳振孫曰陸佃撰以改舊圖之失其尊爵

彝皆取公卿家及祕府所藏古遺器與聶圖大異戴岷隱分教吾鄉作閣齋館池上畫此圖於壁而以禮象名閣與論堂禮圖相媲美云

葉夢得禮記解未見

衛湜曰葉少蘊解曲禮檀弓王制文王世子祭義祭統哀公問仲尼燕居孔

子閒居坊記表記緇衣儒行大學昏義鄉飲酒義射義燕義聘義十九篇仲子模過庭錄時有論說

李夔禮記義十卷佚

陸元輔曰宋朝奉大夫右文殿修撰邵武李夔則和撰

亡名氏禮記小疏注

宋志二十卷佚

禮記名義注 通志十卷佚

禮記名數要記注 通志三

卷佚

禮記外傳名數注 通志三卷佚

禮記詳要注 通志十五卷佚

禮樞一卷佚 右

見紹興續到闕書目

禮鑰佚

右見朱子語類

胡銓禮記傳注

宋志十八卷佚

衛湜曰禮記解義惟嚴陵方氏廬陵胡氏始末全備

陳長方禮記傳

佚

劉懋禮記集說

佚

陸元輔曰劉懋字勉之胡藉溪門人學者稱恆軒先生

燭之父也

夏休破禮記

注

宋志二十卷

未見

中興藝文志夏休以禮記多漢儒雜記於義有未安者乃援禮

經以破之然中庸大學實孔氏遺書也

衛湜曰紹興間進士夏休撰破禮記二十卷斷章析

句妄加譏詆中庸大學猶且不免其不知量甚矣

黃祖舜禮記說

佚

吳仁傑禮記解

佚

朱子曰吳斗南說禮不王不禘王如來王之王要荒之

君世見中國一世王者立則彼一番來朝故王者行禘禮以接之彼本國之君一世繼立則亦一

番來朝故歸國則亦行禘禮此說亦有所謂吉禘於莊公者亦此類非五年之禘也

蔣繼周禮記大義七卷

佚

括蒼彙記蔣繼周字世修青田人紹興甲戌進士歷館職二十年仕至

御史中丞禮部尙書卒贈文恭

游桂禮記經學十二卷

佚

衛湜曰廣安游桂字元發著經學十二卷

曹學佺曰宋廣安游桂

著桂號畏齋隆興進士官四川制置大全注采入者十七條

樊光遠禮記解義二卷

佚

呂祖謙禮記詳節

佚

王炎禮記解

佚

楊炳禮記解

佚

閩

書楊炳字若晦晉江人乾道二年進士累遷中書舍人權吏部尙書以寶謨閣直學士奉祠

莊夏禮記解

佚

陸元輔曰莊夏字子禮永春人淳熙中進士官至兵部侍郎以寶謨閣待制奉祠

進煥章閣待制自號藻齋老人著禮記解

黃樵仲禮記解

佚

閩書樵仲字道夫龍谿人淳熙二年進士汀州錄事叅軍

曾光祖禮記精義十五卷

佚

周必大曰光祖字景山吉州安福人淳熙乙未登第奉議郎知臨江

新喻縣事

郭叔雲禮經疑

闕

廣東通志郭叔雲字子從潮陽人有禮經疑二十餘條見文公集中

顏械禮記解

佚

王圻曰械字叔堅淳熙中以上舍釋褐官至吏部尙書

輔廣禮記解

未見

衛湜曰慶源輔漢卿取注疏方氏馬氏陸氏胡氏諸說倣呂氏讀詩記論集間

有己說

劉燭禮記解

佚

許升禮記文解

佚

趙汝談禮記注

佚

李心傳禮辨二十三卷

佚

余復禮記類說

佚

王圻曰復寧德人光宗初策士大廷覽復所對曰余復直而不許擢第一後入

史館兼實錄檢討

林震禮問

佚

舒璘禮解

佚

邵因禮解

未見

衛湜曰金華邵因字萬宗解曲禮王制樂記

中庸大學五篇

應鏞禮記纂義二十卷

未見

衛湜曰金華應鏞字子和有纂義二十卷

陳澧曰近世應氏集

解於雜記喪大小記等篇皆闕而不釋噫慎終追遠其關於世道人倫非細故而可略哉

岳珂小戴記集解

佚

魏了翁禮記要義

注

宋志三十三卷

未見

按聚樂堂藝文目有之

衛湜禮記集說

注

宋志一百六十卷

存

魏了翁序

按序已另載不重錄

湜自序

亦另載

又後序曰予

舊習諸家訓解每病世儒剽取前人之說以爲己出近得延平周誥希聖解一再繙閱始知陳氏方氏亦推衍其說者耳比歲樞密何公澹本生繼母亡疑於持服太學生喬嘉朱九成黃會卿移

書何公引逮事父母則諱王父母不逮事父母則不諱王父母之文以爲本朝方慤解此一節謂

特庶人之禮耳此說見鄭康成注乃指爲方慤蓋後人掇拾前言而觀者據新忘舊莫究其始先

儒之書日就湮晦此予之所慨嘆而集說所由作也他人著書惟恐不出於己予之此篇惟恐不出於人因不敢謂此編能盡經旨後有達者何嫌論著謹無襲此編所已言沒前人之善可也

又跋尾曰紹定辛卯歲湜備員江東漕筦大資政趙公善湘以制帥攝漕事見余集說欣然捐資鉅木以廣其傳次年秋予秩滿而歸迨嘉熙己亥夏首尾閱九載矣中雖倅金陵叨綸院僅食年餘之祿餘悉里居需次因得徜徉於書林藝圃披閱舊帙搜訪新聞遇有可採隨筆添入視前所刊增十之三間亦刪去冗複揭來嚴瀨適繼郡計空竭之後廉勤自力補苴培植粗可支吾乃撙節浮費別刊此本期與學者共之 陳振孫曰直祕閣崑山衛湜正叔集諸家說自注疏而下

爲一書各著姓氏寶慶二年表上由是寓直中祕魏鶴山爲作序

盧熊蘇州府志湜字正叔

好古博學除太府寺丞將作少監皆不赴嘗集禮記諸家傳注爲一百六十卷名曰禮記集說寶慶二年上之終朝散大夫直寶謨閣知袁州學者稱爲櫟齋先生 張萱曰櫟齋禮記集說宋

寶間武進令衛湜撰進取鄭注孔義陸釋以及百家講說粹爲一書凡一百六十卷各記論說姓名以聽學者自擇魏了翁序之 按衛氏集說援引解義凡一百四十四家不專采成書也如

文集語錄雜說及羣經講論有涉於禮記者皆裒輯焉今以經籍藝文志暨諸家書目未著於錄者疏之晉有淳于纂曹述初劉世明唐有田瓊宋則四明沈煥晦叔宣繒子平吳興沈清臣正卿錢唐于有成君錫新安顧元常平甫邵甲仁仲嚴陵俞仲可可不書字者柯山周處約四明李元白濱山黃敏求高要譚惟寅宣城奚士達建安潘植會稽高文彪眉山家頤孫似臨邛宋遠孫不書地者劉氏孟治葉氏棣吳氏華王氏子墨孫氏景南林氏垌晏氏光湛氏循毛氏信卿蔣氏君實書地不書名者東山何氏建安劉氏新安王氏海陵查氏西蜀董氏止書姓者費氏慮氏施氏慮氏譙氏許氏俞氏王氏陳氏葉氏鄭氏二張氏姑就其目存之俟博古君子或有攷云

竺大年禮記訂義

佚

寧波府志竺大年字耕道奉化人受業於沈渙著禮記訂義楊琪銘其墓

戴良齊禮辨

佚

林右曰當今經書雖皆具完而禮經獨爲殘闕加以漢儒之說有不純也郡先哲

戴大監嘗力爲之辨草廬吳文正公師之得其說

謝鐸曰戴良齊字彥肅號泉溪黃巖人嘉

熙二年進士累官祕書少監

黃以翼禮記說

佚

何喬遠曰宗台受業於陳北溪著禮說

楊畿禮記口義

佚

宋聞禮禮記解

佚

范鍾禮記解

佚

宋史范鍾字仲和蘭溪人嘉定二

年進士嘉熙三年拜端明殿學士簽書樞密院事四年叅知政事淳祐五年拜左丞相兼樞密使

封東陽郡公卒贈少師諡文肅著禮記解

徐畸戴記心法二十卷

佚

陸元輔曰宋蘭溪徐畸南夫撰

韓謹禮記義解

佚

張泳禮記遺說

佚

韓惇禮義解

佚

何炎禮記注

佚

黃震讀禮

記日抄十六卷

存

震自序

按序已另載不重錄

姚世昌曰五經朱子於春秋禮記無成書慈溪黃東發

取二經爲之集解其義甚精蓋有志補朱子之未備者且不欲顯故附於日抄中其後程端學有

春秋本義陳澹有禮記集說皆不能過之永樂初修五經大全諸臣皆未見日抄故一無所取

朱申禮記詳解十八卷

佚

鄭璞翁禮記正義一卷

未見

浙江通志鄭璞翁字宗仁温州平陽

人咸淳十年以上舍釋褐爲福州教授尋除國子正宋亡諸陵被發與其友林景熙謀間行拾之

見景熙志中旣而歸隱薊山瀑下山陰王英孫延教子弟後以病返卒於家

繆主一禮記通考

佚

陳普禮記講義一卷

存

陳煥禮記釋

佚

煥字時可豐城人宋末兩

與潛薦入元不仕

賈蒙禮記輯解

佚

天台縣志賈蒙字正叔著禮記輯解集二十六家之說視衛湜岳珂爲要舊有

抄本在儀真見黃氏書錄

張應辰禮記集解

佚

閩書應辰德化人

汪自明禮記義林四十卷

佚

嚴州府志淳安人時稱汪六經

王氏禮記解

未見

衛湜曰新安王氏解曲禮上下王制月令文王世子禮運禮器郊特牲內則玉

藻明堂位大傳中庸大學投壺十五篇

張氏禮記解義十卷

未見

衛湜曰張氏講義十卷不知作者又有傳錄訓解不著姓名

吳激禮記纂言三十六卷

存

激自序

按序已另
載不重錄

吳尙志序

亦另
載

楊士奇序

亦另
載

魏

校序

亦另
載

王守仁序

亦另
載

高梯序曰秦燔孔烈禮樂得之煨燼者無幾迨后蒼諸家收攬

之功雖勤尤未免得此失彼至於樂律漫不經意君子不能無遺憾大唐類聚通禮旣不可得而

見考亭經傳通解則亦非其全書此雲莊之集說姑以其簡便而列於學官有由矣若夫備集說

之未備可爲禮家之所採錄者蓋不能不取於吳公之纂言也愚嘗就四經之纂言而讀之尤於禮而三復之其辭古其論博其考訂精其分類詳拘且泥焉無有也學禮者以集說爲正而復資之以此則諸家疏釋宏通之論制度文爲品秩之迹皆可不勞而得矣

張萱曰禮記出自漢

儒會萃二百四篇戴德刪爲八十五篇其弟聖又刪爲四十三篇及馬鄭諸儒分增爲四十九其間關於禮經者纔十數篇耳餘皆收拾殘編斷簡而無詮次朱晦庵呂東萊每欲商訂未遑也元吳澂取朱子遺意次序此書謂大學中庸已經程朱表章不容復列如投壺奔喪六義等篇旣爲禮之正經宜附禮經之後餘存者分類次第曰通禮曰喪禮曰祭禮曰通論共三十六篇 陸元輔曰是書一刻於正德庚辰寧國守胡汝登而王伯安爲之序再刻於嘉靖己丑而高梯爲之序三刻於崇禎己巳侍御史張養而王象晉爲之序

彭絲禮記集說四十九卷

未見

王圻曰安福人父應龍弟齊叔父子兄弟相爲師友俱以著述爲

業

陳伯春禮記解

佚

閩書陳伯春晉江人字耀卿

呂椿禮記解 佚 王圻曰晉江人學於丘葵

陳澹禮記集說三十卷

存

澹自序

按序已另戴不重錄

陸元輔曰澹字可大都昌人宋不樂仕進教

授鄉里學者稱雲莊先生

高梯曰雲莊集說以其簡便而得列於學官

按自漢以來治

小戴之記者不爲不多矣以公論揆之自當用衛氏集說取士而學者厭其文繁全不寓目若雲莊集說直免圖冊子耳獨得頒於學官三百餘年不改其於度數品節擇焉不精語焉不詳禮云禮云如斯而已乎

程時登禮記補注

未見

陳櫟禮記集義詳解十卷

未見

櫟自序

按序已另戴不重錄

程龍禮記辨證

佚

周尙之禮記集義

佚

柳貫作志曰周尙之東揚其字延祐四年江西以春

秋舉上禮部不得第至元元年擢丙科授將仕郎永州零陵縣丞調南安路上猶縣尹所著有禮

記集義若干卷藏於家

韓性禮記說四卷

佚

王夢松禮記解

佚

括蒼彙紀王夢松字曼卿青田人隱居不仕學者稱

順齋先生